

রসকলি

পাল-পুকুরের ঘাটের উপরেই প্রকাণ্ড বটগাছটার একটা শিকড় বিশাল অঙ্গনের মত কুণ্ডলী পাকাইয়া গর্তের ভিত্তর মুখ সঁধাইয়া যেন পিঠে রোদ পোহাইতেছে। পুলিন দাস তাহার উপর হাঁটুভাঙা দয়ের মত উবু হইয়া বসিয়া জলে খোলামকুচি ছুঁড়িয়া 'ব্যাং ছুড়ছুড়ি' খেলিতেছিল ; তাহার কাঁধে গামছা, কানে একটা পোড়া বিড়ি।

মিতে বলাই দাস আসিয়া ডাকিল, এই যে পেলা, উঠে আয়, ওরে ও খেপাচণ্ডী, উঠে আয় !
খুড়ো যে—

পুলিন হাতের খোলামকুচিটা জলের পরিবর্তে মাটিতে আছড়াইয়া কহিল, টেঁসেছে বেটা
বুড়ো ?

বলাই সোৎসাহে কহিল, আর দেরি নাই, উঠে আয়।

উভয়েই গ্রামের পথ ধরিল, বলাই আগে, পুলিন পিছনে।

পুলিন সহসা কহিল, বউটা খুব কাঁদছে, নয় রে বলা ?

বলা কহিল, খু-উ-ব, আছাড়-বিছেড় করছে।

মাথাটা তাহার প্রায় ঘাড়ের নিকট হেলিয়া পড়িল, ঠোঁট দুইটা চিবুক পর্যন্ত ঝাকিয়া
গেল।

আবার উভয়েই নীরব, রাস্তা ধরিয়া চলিয়াছে। একটা গাই রাস্তার ধারে পতিত জমিতে
লম্বা দড়িতে বাঁধা, ঘাস খাইতেছিল। জানি না, পুলিন কোন্ কোঁতুকে চট করিয়া বাঁ হাতের
দুইটা আঙুলে গাইটার পিঠটা টিপিয়া ঘড়-ঘড়-ঘোঁৎ শব্দে নাসিকা গর্জন করিয়া উঠিল, সঙ্গে সঙ্গে
গাইটাও মাথা নাড়িয়া লাফাইয়া উঠিল।

পুলিন সলস্বে হাত দুই সরিয়া আসিয়া কহিল, মাইরি, কি ত্যাজ রে ! আমার বউটাও ঠিক
এমনই, মাথা নেড়েই আছে।

পুলিনচন্দ্রের এক দেহলী ভিন্ন আর কিছুই প্রশংসা করিবার মত ছিল না।

তাহার দেহখানি স্কন্দর, দীর্ঘ আকার, সবল দেহ, বর্ণ গোঁর, কঁোকড়া চুল, আর সর্বাঙ্গ বেড়িয়া
বেশ একটা মিষ্টি লাবণ্য। এ ছাড়া আর কোন গুণই ছিল না। বৃদ্ধির খ্যাতি তো কোন কালেই
নাই, বাল্যকালেই পাঠশালায় গুরুমহাশয়, 'এক পয়সায় তিনটে আম, তা তিনটে আমের কত দাম'
ঝাড়া তিনটে ঘণ্টাতেও বুঝাইতে না পারিয়া নিজেই তাহার বই-দপ্তর গুছাইয়া বগলে পুরিয়া দিয়া
কহিয়াছিলেন, বাবা, শুভঙ্কর যে এ জন্মে বৈরাগী-স্কুলে জন্ম নিয়ে হিসেবে পর্যন্ত বৈরাগ্য করেছেন,
তা জানতাম না ! তোমায় পড়ানো আমার কর্ম নয়।

ইহার উপর সে ছিল যেন মূর্তিমান বে-তাল।

মজলিসে হয়তো লম্বাকান্ডের মত ভীষণ গম্ভীর আলোচনা চলিতেছে, বুড়া জাহুবান
হয়তো মন্ত্রণা দিতেছে, মজলিসসভা লোক স্তম্ভিত, নিস্তব্ধ, সহসা সেখানে পুলিনচন্দ্র যেন
কোঁতুকের কাতুকুতুতে গুলগুল করিয়া হাসিয়া উঠে—হেঁ হেঁ হেঁ হেঁ, এ মাইরি আমার খুড়োকে

লিখেছে, তেমুগে বড়ো—ইয়া চুল, ইয়া দাড়ি, ঠিক ঠিক, জাম্বান, জাম্বান—হেঁ হেঁ হেঁ হেঁ !

আবার হয়তো হু-ভাহুর মিতালির সঙ্গে মজলিস তো মজলিস, দেবগণ পৰ্বন্ত হালিয়া আকুল, সেখানে পুলিন বিস্ময়ে হতবাক, চক্ষু দুইটা ছানাবড়ার মত বিক্ষারিত, পাশের লোককে বলে, কি মাইরি যে হালিস, তার ঠিক নেই। তারপর সোৎসাহে বাহবা দেয়, বলিহারি বাপ হু, বাবুদের প্যায়দার চেয়েও তুমি জিন্দে পালোয়ান।

এছকারও বাদ যান না, পুলিন কহে, বইটার কিন্তু ভারী চহট মাইরি, এ একেবারে অবাক-জলপান লাগিয়ে দিয়েছে !

আবার রাবণ-বধে সীতা উদ্ধারে আনন্দিত শ্রোতৃমণ্ডলী আবেগে জয়ধ্বনি করিয়া উঠে। বিচিত্র পুলিন, বিচিত্র তাহার রসবোধ, সে সজল চক্ষে বলে, আহা-হা, এতগুলো বেধবা হ'ল, আহা-হা !

আবার সঙ্গে সঙ্গেই ব্যগ্র অহুসঙ্কানে কহে, আচ্ছা, লঙ্কার তা হ'লে মাছের সের কত ক'রে হ'ল ? এক পয়সা, না দু পয়সা ?—তা লেখে নাই ?

লোকে তাই বুদ্ধিহীনীর উপর রং চড়াইয়া কহে, ক্যাপা।

পুলিন রাগে না, হাস্তমুখে উত্তর দেয়, এঁা !

রাগে একজন, আর লঙ্কার দুখে মরিয়া যায় আর একজন। দুই জনের প্রথমটি পুলিনের স্ত্রী, বয়স আঠারো-উনিশ, গোলগাল আটসাঁট দেহ, নাম গোপিনী।

কিন্তু পুলিন কহে, সাপিনী। পুলিনের নিবুদ্ধিতার লঙ্কার, খোঁচায় গোপিনী রাগে, সাপিনীর মতই গর্জায় ; কথাগুলিও বাহির হয় সাপিনীর জিহবার মতই, লকলকে তীক্ষ্ণ ভয়াবহ। নির্বোধ, সর্বজনের হাস্তাস্পদ স্বামীর ঘরে শত লঙ্কার মধ্যেও সান্ধনার একটি আশ্রয় গোপিনীর মিনিয়াছিল, সে ওই দ্বিতীয় ব্যক্তিটি, যে পুলিনের জন্ত লঙ্কার দুখে মরমে মরিয়া থাকিত ; সে পুলিনের বন্ধ খুড়ো রামদাস মোহান্ত, যাহার সহিত পুলিন জাম্বানের সাদৃশ্য দেখিতে পায়।

রামদাসের অবস্থা বেশ ভালই, মোটা জোতজমা, উঠানে বড় বড় মরাই, ঘরে দুম্ববতী গাভী, গ্রামে দু-দশ টাকার ভেজারতি।

তবে তাহার চেহারাটা আজ শুধু চুল-দাড়ির জঞ্জাই নয়, চিরকালই কেমন বেয়াড়া বিলী, তাই যৌবনে যখন সে শ্রীমতীকে লইয়া পরম আশ্রয়ে সংসার পাতিয়াছিল, তখন শ্রীমতী রামদাসের ওই বড় চেহারার জঞ্জাই নাকি তাহার পাতানো সংসারে লাগি মারিয়া কোথায় একদিন উধাও হইয়া গিয়াছিল।

গৃহী-বৈরাগীর কংশধর রামদাস শ্রীমতীর সন্ধান হরেক রকম তালি দেওয়া আলখালা পরিয়া কোলা কাঁধে ভবঘুরে ভিখারী বৈরাগী সাজিল, শোকে সংসারকে ঝাড়িয়া ফেলিয়া দিল, কিন্তু সংসার তাহাকে ছাড়িল না।

শ্রীমতীর সন্ধান মিলিল না, কিন্তু তাহার ভিক্ষার ঝুলির মধ্যে কোন্ দিন শ্রী আসিয়া প্রবেশ

করিয়। তাহাকে সংসারের দিকে ফিরাইল ; তখন ভিন্কার লক্ষ্যেই তাহার তিনশো টাকার পুঁজি, আর বাড়ির জোতজমার ধান ঠিকাদার-ভাগদারের কাছে বেশ মোটা হইয়াই জমিয়াছিল। শ্রীমতীর অভাবে রামদাস শ্রীকে লইয়া বেশ আঁটালো করিয়া সংসার বাঁধিল।

পাঁচজনে কহিল, মোহান্ত, এইবার ভাল ক'রে সংসার পাত, একটি ভাল দেখে বোটমী।

রামদাস কহিল, রাখে রাখে, ও কথা ছাড়ান দাও দাদা। রাধারাণী আমার মনেই ভাল, ধ্যানেই সোজা, বাইরে বেজায় ব্যাকা। ব্যাকা রায়ের লাহনাটাই দেখ না! জয় রাখে, শ্রীমতী শ্রীমতী!

কে একজন স্ত্রী-জাতির কি একটা নিন্দা করিল, মোহান্ত মাথা নাড়িয়া জিভ কাটিয়া সবিনয়ে প্রতীবাদ করিল, জয় রাখে, ও কথা বল না, বলতে নাই। শ্রীমতীর জাত, ওরা সবাই ভাল।

একজন ঠোটকাটা কঠোর রসিকতা করিয়া ফেলিল, তা তোমার শ্রীমতী—

মোহান্ত হাসিয়া কহিল, বললাম যে দাদা, শ্রীমতীর জাত ওরা, সুন্দর নিয়েই যে কারবার ওদের। অসুন্দরকে কে কবে পছন্দ করে দাদা?

এই সময় রামদাসের বড় ভাই শ্রামদাস বছর আঠেকের ফুটফুটে মাতৃহীন পুলিনকে রাখিয়া মারা গেল। রামদাস পুলিনকে বুকে করিয়া 'না বিইয়াই শ্রামের মা' হইয়া উঠিল।

সুন্দর পুলিন বড় হইল। বৈষ্ণবের ছেলে, কীর্তনের আখড়ায় খোল করতাল ছাড়িয়া লাঠির আখড়ায় লাঠি ধরিতে শিখিল। বলা সঙ্গী হইল, গাঁজা ধরিল। রামদাস শাসন করিতে পারিল না, শুধু হুঃখই করিল, তবু মনে মনে নিজেই সান্তনা খুঁজিয়া লইল, বেশ একটি গোছালো বউ আলিলেই পুলিন মাছুষ হইবে, বোকা বুদ্ধিমান হইবে, ঘর বুঝিবে, না বুঝে ঘর ঘাড়ে চাপিয়া পরিচয় করিয়া লইবে।

রামদাস পুলিনের জন্ম পাত্রী খুঁজিতে লাগিল।

সৌরভী বৈষ্ণবী আসিয়া কহিল, মোহান্ত, তা আমার মঞ্জরীর সঙ্গে পুলিনের বিয়ে দাও না কেন? ছেলেবেলার সাথী দুটি, ভাবও খুব—

রামদাস কহিল, রাখে রাখে, তা যে হয় না সৌরভী, আমরা হলাম জাত-বোটম, আর তোমরা ভেকধারী।

সৌরভী ছিল ধোপার মেয়ে, ভেক লইয়া বৈষ্ণব হইয়াছে। তাহার মেয়ের সঙ্গে ভাইপোর বিবাহ দিতে রামদাসের রুচি হইল না। না হইলে সৌরভীর মেয়ে মঞ্জরী বেশ সুশ্রী, বেশ নজরে-ধরা মেয়ে। তবে একটু রসোচ্ছলা, যাকে বলে 'ডগমগ' ভাব, সেই ভাবে সে চঞ্চল। চলিতে তাহার দেখে হিলোল খেলিয়া যায়, কথা বলিতে হাসি উপচিয়া পড়ে। হাসিতে নিটোল গালে টোল পড়ে, সে গ্রীবাটি ঈষৎ বাঁকাইয়া দাঁড়ায়। নাকে রসকলি কাটে, চূড়া বাঁধিয়া হুল বাঁধে, কথার ধরনটাও তাহার কেমন বাঁকা! লোকে কত কি বলে, কিন্তু তাহাতে তাহার কিছু আসে যায় না। নদীর বুকে লোহার চিরেও দাগ আঁকে না, স্রোতও বন্ধ হয় না।

মঞ্জরী পুলিনের চেয়ে বছর চারেকের ছোট, বালাসামানী, দুইজনের ভাবও খুব। পুলিন

শম্ভু অসময়ে মঞ্জরীদের বাড়ি যায়, মঞ্জরী সাদরে অভ্যর্থনা করে, মুখে দীপ্তি হুটিয়া উঠে, রসোচ্ছল আরণ উচ্ছল হইয়া উঠে ।

পুলিন বলে, কি হে রসকলি, করছ কি ?

তুইজনে 'রসকলি' পাতাইয়াছে ।

মঞ্জরী মুচকি হাসিয়া স্বরে বলে—

“তোমায় আঁকছি হে অঙ্গে যতন করে ।”

পুলিন এ কথায় উত্তর খুঁজিয়া পায় না ।

অভাব-অভিযোগে কত দিন মঞ্জরীর মা সৌরভী আসিয়া কহে, দেখ্ লো মঞ্জরী, দুটো টাকা কার কাছে পাওয়া যায় কি না, নইলে তোর খাড়ুটা বাঁধা দিতে হবে ।

মঞ্জরী বলে, খাড়ু আমি বাঁধা দেব না রসকলি । তুমি টাকা এনে দ্যও ।

পুলিন শশব্যস্তে বলে, সে কি রসকলির মা, খাড়ু বাঁধা দেবে কি ? আমি টাকা এনে দিই ।

সৌরভী আপত্তি করিলে মঞ্জরী কহে, কেন, রসকলি কি আমার পর ?

খুড়ার তহবিল সন্ধান করিয়া না পাইলে চাউল বিক্রম করিয়া সে টাকা আনিয়া দেয় ।

আবার মঞ্জরী কখনও কখনও পুলিনের হাত চাপিয়া ধরিয়া বলে, না, তুমি দিতে পাবে না, ও মায়ের চালাকি ।

মায়ের-বিয়ে ঝগড়া হয়, পুলিন ব্যস্ত হইয়া উঠে, কিন্তু মঞ্জরী কহে, খবরদার, আড়ি করব ।

দশ বছর বয়সেই মঞ্জরীর একবার বিবাহ হইয়াছিল, কিন্তু পাত্রটিকে মঞ্জরীর পছন্দ হয় নাই, তাই তাহাকে সে নাকচ করিয়া দিয়াছে । সে বেচারী বছর মঞ্জরীর জন্ত হাঁটাইটি করিয়া শেষে অগ্রজ বিবাহ করিয়া সংসার পাতিয়াছে । মঞ্জরীকে ছাড়পত্র করিয়াছে ।

নানা কারণে রামদাস সৌরভীকে প্রত্যাখ্যান করিল ।

রামদাস সৌরভীকে ফিরাইয়া দিল ; সৌরভীও ঘরে গিয়া পুলিনকে ফিরাইয়া দিল, কহিল, বাবা, মেয়ের আমার সোমন্ত বয়েস, তুমি আর এস না । একেই তো পাচজনে পাঁচ কথা বলে । মনে ভেবেছিলাম, তোমরা দুটি ছেলেবয়সের সাথী, দু হাত এক ক'রে দিয়ে দেখে চোখ জুড়োব, তোমার কাঁকা তা দেবে না । আমাকে তো আমার মেয়ের বিয়ে দিতে হবে ।

কথাটা পুলিনের বড় বাজিল, সে দুই দিন খাইল না, শুইল না, মাঠে মাঠে ঘুরিয়া বেড়াইল ।

রামদাস শেষে রাজী হইল, বেশ, মঞ্জরীর সঙ্গেই পুলিনের বিবাহ হোক ।

সময়টা হোলির, রামদাস শ্রীধাম বৃন্দাবন যাইবে । তাই স্থির হইল যে, রামদাস কিরিলে বিবাহ হইবে ।

কিন্তু উপরওয়ালার অভিপ্রায় অন্তরূপ ।

শ্রীধামে সহসা একদিন রামদাসের সঙ্গে হারানো শ্রীমতীর দেখা হইয়া গেল । শ্রীমতী

তখন গাছতলায় কলেবায় ছট্ফট করিতেছে, পাশে বারো-তেরো বছরের মেয়ে গোপিনী বসিয়া বসিয়া অঝোর-ঝরে কাঁদিতেছিল।

ত্রীলোকটির কাতরানিতে আর বালিকাটির কান্নার দয়্যাপরবশ হইয়া রামদাস সাহায্যে অগ্রসর হইয়া রোগিণীর পাশে বসিল, ক্ষণেক তাহার মুখপানে চাহিয়া সাগ্নেহে ডাকিল, শ্রীমতী !

রোগযন্ত্রণায় কাতর শ্রীমতী রামদাসের মুখপানে চাহিয়া ফেঁপাইয়া কাঁদিয়া উঠিল, রামদাস উত্তরীয়-প্রান্ত দিয়া চোখ মুছাইয়া দিল। শ্রীমতী তাহার পা দুইটা চাপিয়া ধরিয়া কহিল, আমার যাবার সময় পায়ের ধুলো দাও। আর এই মেয়েটাকে নাও। বড় ভাল মেয়ে, মায়ের মত নয়, পার তো পুলিনের সঙ্গে বিয়ে দিও। ভয় নেই, অজ্ঞাতের মেয়ে নয়। সেই যে, বাউল প্রেমদাসকে মনে পড়ে, সেও জাত-বোষ্টম, তারই মেয়ে।

রামদাস কাতর কণ্ঠে কহিল, শ্রীমতী, বাধারানী, আমি যে তোমার তরে আজও শূন্য ঘর বেঁধে বসে আছি।

শ্রীমতী সে কথাই কোন উত্তর দিল না, শুধু কন্যা গোপিনীকে কহিল, মা, এই ভোর বাপ, এঁর সঙ্গে যা, আমার চেয়েও আদরে রাখবে। আর একটা কথা গোপিনী, কখনও যেন স্বামী ছাড়িস নি, তুই বোষ্টম, থাকুক নিয়ম, তবু ওতে স্মৃতি নেই।

শ্রীমতীকে বৃন্দাবনে বিসর্জন দিয়া গোপিনীকে লইয়া রামদাস বাড়ি ফিরিল।

সৌরভীকে ডাকিয়া পঞ্চাশ, একশো, শেষে দুইশোটি টাকা হাতে দিয়া কহিল, সৌরভী, আমায় বাক্যি থেকে খালাস দাও।

একমুঠা টাকা খুঁটে বাধিয়া সৌরভী হাসিমুখেই বাড়ি ফিরিল।

সৌরভী মঞ্জরীর জন্ত পাত্র ঠিক করিল, কিন্তু মঞ্জরী কহিল, না।

মা শেষে রাগ করিয়া রামদাসের টাকা লইয়া বৃন্দাবনে চলিয়া গেল।

মঞ্জরী দুই দিন কাঁদিল; তারপর আবার উঠিল, ক্রমে হাসিল, রসকলি কাটিল, কিন্তু বিবাহ করিল না।

এদিকে পুলিনের সঙ্গে গোপিনীর বিবাহ হইয়া গেল। পুলিন যেন মঞ্জরীর নেশা ফুলিল। সে দিন-রাত্রি ঘরেই থাকে, বাড়ির বাহির হয় না, দেখিয়া রামদাস স্মৃতি হানিল। মঞ্জরী দুই-চারি দিন পুলিনের অপেক্ষা করিয়া শেষে একদিন চূড়া করিয়া চুল বাধিয়া, নাকে রসকলি কাটিয়া, পান চিবাইতে চিবাইতে রামদাসের বাড়িতে আসিয়া উঠিল। রামদাস তখন বাড়িতে ছিল না; উঠানে দাঁড়াইয়া মঞ্জরী মুচকি হাসিয়া ঘরের রুদ্ধ দ্বারকে উদ্দেশ্য করিয়াই বলিল, কই হে রসকলি, বউ দেখাও হে!

পুলিন ঘরের ভিতর গোপিনীর সহিত কথা কহিতেছিল, মঞ্জরীর আওয়াজ পাইয়া অল্প ছুয়ার দিয়া সে ছুটিয়া পলাইয়া গেল। গোপিনী নতমুখে ঘরের মধ্যেই দাঁড়াইয়া রহিল। মঞ্জরী ঘরে ঢুকিয়া গোপিনীর ঘোমটা তুলিয়া দেখিয়া দৌঁটের আগার পিচ কাটিয়া কহিল, তুমি বউ ?

গোপিনী মুখ ভুলিয়া চাহিল।

মঞ্জরী আবার কহিল, তা হ্যাঁ বউ, রসকলির তোমাকে পছন্দ হয়েছে ?

গোপিনী এবার কথা কহিল, যেন চিমটি কাটিয়া কহিল, না।

মঞ্জরী বলিল, বাঃ, এই যে পাখী পড়ে বেশ! তা হ্যাঁ বউ, কেন পছন্দ হয় নি, কিছু জেনেছ ?

গোপিনী সেই চিমটি কাটার মতই কহিল, রসকলি কাটতে জানি না কিনা, তাই।

মঞ্জরী সব বুঝিল, এবার সে হাসিয়া বিশ্বয়ের ভঙ্গিতে গালে হাত দিয়া কহিল, ওমা, তাই নাকি ? তা আমার কাছে রসকলি কাটা শিখবে বউ ?

গোপিনী কহিল, শেখাবে ? দেখো, ঠিক তোমার মতনটি হওয়া চাই।

মঞ্জরী কহিল, তাই শেখাব। কিন্তু ধৈর্য ধরে থাকা চাই। পারবে তো ?

গোপিনী কহিল, পারব, কিন্তু তোমার সময় হবে তো ? বলি, আনবে কখন ? রসময়রা ছাড়বে তো ?

মঞ্জরী এবার ঠেকার দিয়া কহিল, আমার রসময়রা নয় অসময়ে এসে সময় দেবে। তোমার রসময় যে একদণ্ড ছাড়ে না দেখি !

গোপিনী কহিল, ও দুদিন, এখন নতুন নতুন নালতের শাক হে। তারপর বড়ো গরু ঠিক দামে গিয়ে পড়বে, ভয় নাই।

মঞ্জরী একটু ঝঙ্কার দিয়া কহিল, তা ভাই, বড়ো গরু বেঁধে রাখলেই হয় ! যার দড়ি নাই, তার আবার গরু পোষার শখ কেন ?

গোপিনীও এবার একটু ঝঙ্কার দিয়া কহিল, বোডা হ'লে কি চাবুকের অভাব হয় হে, তা হয় না। যখন গরু পুবেছি, তখন দড়ি কি না জুটবে ? বলি, পরনের কাপড়ে আঁচল তো আছে, তাতেই বাঁধব।

মঞ্জরী হাসিয়া কহিল, যদি ছিঁড়ে পালিয়ে যায় ?

গোপিনী কহিল, ইস, সাধি কি !

মঞ্জরী কহিল, দেখো।

গোপিনী সেই দম্ভভয়েই কহিল, তখন না হয় হেঁড়া আঁচল গলায় দিয়ে ঝুলব হে, তা ব'লে জ্যাঙ্কে তো আর ভাগাড়ে দিতে পারি না।

ইহার পর মঞ্জরী আর কথা কহিল না, আচমকাই যেন বাড়ি ফিরিল, তখন মুখখানার হাসি ছিল না, যেন ধমথমে জলভরা মেঘ।

পরদিন হইতে রসকলির বাড়িতে পুলিনের আদর যেন বাড়িয়া গেল। লোক পাঠাইয়া পুলিনকে আনাইল, তাহার লজ্জা ভাঙিয়া দিল। এখন আর পুলিনের গাঁজার আড্ডার মঞ্জরী ঝঙ্কার দেয় না। সন্ধ্যা বলাকে দেখিয়া বিরক্ত হয় না। এখন কথার কথার মঞ্জরী যেন চলিয়া পড়ে। পান দেয়। পুলিন আবার বাড়ি ছাড়িল, পূর্বের চেয়ে যেন বেশি শক্ত কথিয়া মঞ্জরীর

বাড়িতে আড্ডা গাড়িল।

মঞ্জরী মাঝে মাঝে আবার এও বলে, রসকলি, এ তো ভাল কাজ হচ্ছে না!

পুলিন হৌতকার মত কহে, কি ?

মঞ্জরী মুচকি হাসিয়া বলে, এই—আমার বাড়িতে এমন ক'রে চকিশ বণ্টা প'ড়ে থাকে!

পুলিন তেমনই ভাবেই বলে, কেন ?

মঞ্জরী হ্রস্ব করিয়া গান ধরে—

“পাঁচ সিকের বোঁটুমি তোমার,
ওহে গোসা করেছে, গোসা করেছে।”

পুলিন কহে, ধোং।

গোপিনী সত্য সত্যই রাগ করিল, কিন্তু ভাঙায় কে ? যাহার উপর মান, সে-ই যে মানের মুখে ছাই দিয়া দিল। সে খাবার সময় আসে, দুইটা খায়, দেশের দেশের হাশ্বাশ্বদ হইয়া ফেরে, মঞ্জরীর বাড়ি আড্ডা জমায়, ঘরের পয়সা পর্যন্ত মঞ্জরীর ঘরে তুলিয়া দিয়া আসে। মঞ্জরীর নাকি সোনাক নথ হইতেছে, গোপিনী জলিয়া গেল। পুলিন যা ছুই-চারিটা কথা গোপিনীর সহিত কয়, তা পর্যন্ত মঞ্জরী-বিশেষিত। সেদিন রাত্রে কথায় কথায় নির্বোধ কহিল, রসকলি তোমার কি নাম দিয়েছে জান গা ? গোপিনী নয়, সাপিনী। তা সত্যি, সবচেয়েই তোমার ফৌস।

গোপিনী একটা জলন্ত অগ্নিবর্ষা কটাক হানিয়া ছুটিয়া পলাইল। রাত্রি ত্রিপ্রহর পর্যন্ত বাহিরে কাঁদিতে কাঁদিতে মনে পড়িল, সে বলিয়াছিল, যদি ঝাঁচল ছেঁড়ে, তবে ছেঁড়া ঝাঁচল গলায় দিয়া খুলিবে। উদ্ভ্রান্ত বাধাহত নারী সত্যই ঝাঁচল ছিঁড়িয়া দড়ি পাকাইতে বলিল। ঘরে পুলিন তখন অবোরে নিত্রা যাইতেছে, বুঝি বা রসকলিকে স্বপ্ন দেখিতেছিল।

পাশের ঘরের দরজা খুলিয়া বৃদ্ধ মোহান্ত বাহির হইল, খেতবজা গোপিনীকে দেখিয়া চমকিয়া কহিল, কে ? কে ? এ কি মা ? বাইরে কেন, মা আমার ?

গোপিনী কোঁপাইয়া কাঁদিয়া উঠিল, বৃদ্ধের স্নেহস্পর্শে তাহার হাতের পাকানো ঝাঁচল এলাইয়া খুলিয়া গেল।

মোহান্ত গোপিনীকে বৃকে লইয়া কাঁদিয়া কহিল, মা, বড়ো ছেলের মুখের দিকে চেয়ে বৈধ ধর, মা আমার, আমি আশীর্বাদ করছি—ভাল হবে, ভাল হবে তোয়।

পুলিনের ব্যবহারে শাস্ত স্নেহ-দুর্বল বৃদ্ধ মরমে মরিয়া গেল। কঠোর হইতে চেষ্টা করিল, পয়সায় টান দিল, কথা বন্ধ করিল, কিন্তু তবুও যে পুলিন সেই পুলিনই রহিয়া গেল। অন্ধের কিবা রাত্রি কিবা দিন!

সুধু রসকলির বাড়িতে বলিয়া বলার সহিত খুঁড়ার আশ্রয় দিন গণনা করিতে লাগিল।

ব্রাহ্মদাস কিন্তু বাঁচিতে চাহিয়াছিল, মরমে মরিয়াও গোপিনীর জন্ত বাঁচিতে চাহিত। সর্বদা তাহার ভাবনা হইত, সে মরিলে গোপিনীর দশা কি হইবে ?

কিন্তু মাহুব অমর নয়, মরণের পরোয়ানা সঙ্গে লইয়াই জন্ম লওয়া। সহসা একদিন রামদাসের ভলব আসিল। মোহান্তের বরস হইয়াছিল, হাঁপানি ছিল, হঠাৎ একদিন হাঁপানি মৃত্যুর মূর্তিতে বৃকে চাপিয়া বসিল।

গোপিনী চোখের জলে বৃক ভাসাইয়া সেবা করিতে বসিল। পাড়াপড়শী আসিয়া জমিল। মোহান্ত যেন কার অহুসন্ধান করিতেছিল, কিন্তু সে তখন পাল-পুকুরের ঘাটে বসিয়া 'ব্যাং ছুড়ছুড়ি' খেলিতেছিল।

পাড়াপড়শী ভিড় জমাইয়া বসিয়া আছে, কেহ বলে, মোহান্ত, হরি বল, বল—জয় রাধারাণী!

রাধারাণীর জয়গানে চিরমুখরকণ্ঠ চারণ কিন্তু আজ এ সময়ে রাধারাণীর ধ্যান করিতে পারিল না। মৃগমায়াজ্জর রাজা ভরতের মত শুধু বলিল, মা গোপিনী, কিছু করতে পারলাম না মা।

গোপিনী শেষে আছাড় খাইয়া পড়িল। হায়, তাহার নীড় যে ভাঙিয়া যায়। ভট্টনীড় বিহঙ্গিনীর ক্রন্দন ছাড়া আর উপায় কি? পাড়ার মেয়েরা দূরে দাঁড়াইয়া ছিল, কিন্তু কেহ এই গোপিনীকে ধরিতে সাহস করিল না। বুড়া রোগী, কখন শেষ নিশ্বাস পড়িবে, খাবি খাইয়া মরিবার নোটসিও হয়তো দিবে না। মড়া ছুঁইয়া কে অশুচি হইবে!

ধরিল শেষে একজন। সে মঞ্জরী।

মঞ্জরী আসিয়াই শোকবিহ্বলা গোপিনীকে ধরিল। কহিল, ভয় কি?

মুমূর্ষু মোহান্ত একটা দীর্ঘনিশ্বাস ফেলিয়া টানিয়া টানিয়া কহিল, গ্রামের পাঁচজন আছেন, আমার শেষ ইচ্ছা ব'লে যাই।—আমার স্বাবর সমস্ত সম্পত্তির মালিক হ'ল গোপিনী। আর সকলের কাছে এই ভিক্ষে, ছেলেটাকে যেন ওই বেঞ্চার হাত হ'তে বাঁচিও।

কথাটায় সকলের চক্ষু গিয়া পড়িল মঞ্জরীর উপর। সকলেই ভাবিতেছিল, সে কি করিয়া বসে, সে কি করিয়া বসে! কিন্তু মঞ্জরী গোপিনীর এলানো দেহখানি পরম সান্দ্রভরে জড়াইয়া বসিয়া ছিল। বসিয়াই রহিল, চাঞ্চল্য দেখা গেল না।

মোহান্ত যখন কথাটা আরম্ভ করে, তখনই বলার সঙ্গে পুলিন আসিয়া পৌঁছিয়াছিল, সেও কথাটা শুনিল।

কথাটা আজ তাহাকে প্রথম আঘাত দিল, মান-অপমানের স্বাদ আজ সে বৃষ্টি প্রথম বৃষ্টি।

লোকে তখন মোহান্তের শেষ ইচ্ছার সমালোচনায় ব্যস্ত। পুলিন দাঁড়াইয়া হইতে নামিয়া পড়িল, কেহ লক্ষ্য করিল না; কিন্তু মঞ্জরী ডাকিল, যাচ্ছ কোথা?

পুলিন কহিল, আর এ বাড়িতে নয়।

মঞ্জরী কহিল, ছি, এই কি বাগের সময়? এস, খুড়োর মুখে জল দাও, কানে নাম শোনোও।

পাড়াবৃক লোক এই বেহারা মেয়েটার নীমাইন নির্ভঙ্কতার অবাক হইয়া তাহার মূখপানে চাহিয়া রহিল। স্নেহেরা গালে হাত দিল। পুলিনও মঞ্জরীর মূখপানে চাহিল,

তাঁরপর ধীরে ধীরে খুড়ার শিররে বসিয়া মুখে গলাজল দিল, ডাকিয়া কহিল, বল কাকা, জয় রাধারাণী !

বুঝ কহিল, জয় রাধারাণী ! দয়া কর মা, অনাথিনী দুঃখিনীকে দয়া কর মা !

বেলা আড়াই প্রহরের সময় রামদাস মরিল, অন্ত্যেষ্টিক্রিয়া শেষ হইতে রাত্রি এক প্রহর হইয়া গেল ।

তখন মঞ্জরী গোপিনীকে কহিল, তবে আমি আসি ।

গোপিনী বলিল, এস ।

মঞ্জরী চারিদিক চাহিয়া সরলভাবেই কহিল, কত কই ? একাট ধাকতে ভয় করবে না তো ?

গোপিনীর মনে হইল, মঞ্জরী বুঝি তাহাকে ঠাট্টা করিল । সে উত্তর করিল, আসা যাওয়াই যখন একা, তখন একা ধাকতে ভয় করলে চলবে কেন ? আর একাই তো থাক এক বকম ।

মঞ্জরী কথাটা গায়ে না লইয়া কহিল, আমি কিন্তু ভাই একা ধাকতে পারতাম না ।

গোপিনী কহিল, আমি হ'লে একা ধাকতে যদি না পারতাম, গলায় দড়ি দিতাম, তবু—

মঞ্জরী এবার একটু বাঁকিয়া উত্তর দিল, বালাই যাট, মরবে কেন ? আসি ভাই, কিন্তু রসকলি গেল কোথা ?

গোপিনী ক্রিপ্তের মত কহিল, রসকলি নাকেই আছে, ঘরে গিয়ে আয়না নিয়ে দেখ, পোড়া মুখের ওপরেই বলমল করছে ।

মঞ্জরী এই আকস্মিক আঘাতে যেন বিহ্বল হইয়া পড়িল । বহু কষ্টে আত্মসম্বরণ করিয়াও কিন্তু শেষটা উত্তরের বেলায় বলিয়া ফেলিল, রসকলি তো নিজের নাকেই থাকে বউ, এ যে কেড়ে নেওয়া যায় না ! তা তুমি যদি চাও তো না হয় দেবার চেষ্টা করি ।

গোপিনী ফোস করিয়া বলিয়া দিল, কি বললে তুমি ? তোমার কাছ থেকে ভিক্তে আমি চাই নে, চাই নে । যাও তুমি, যাও ।

কথাগুলি ক্রুদ্ধ এক-নিশ্বাসে বলিয়াই সে ঘরে ঢুকিয়া মঞ্জরীর মুখের উপরেই দরজাটা দড়াম করিয়া বন্ধ করিয়া দিল ।

মঞ্জরী ধীরে ধীরে বাড়ি ফিরিল, বুকের ভিতর তাহার যেন আগুন জলিতেছিল । সাপিনীর এত বিব ! আপনার বিবে হতভাগিনী আপনি জর্জর হইয়া মরুক !

আপন বাড়ি চুকিতেই মঞ্জরী দেখিল, পুলিন তাহার দাওয়ার উপর বসিয়া ।

মঞ্জরীর দেহ ব্যাপিয়া একটা হিল্লোল বহিয়া গেল । হাসিতে তাহার মুখ ভরিয়া উঠিল ।

পুলিন উঠিয়া কহিল, রসকলি !

মঞ্জরী হাসিয়া উত্তর দিল, বল বলি ।

পুলিন বলিল।

ঘরের তাল খুলিতে খুলিতে মঞ্জরী বলিল, রসকলি, তুমি ভাই সোনাকপালে পুঙ্খ। স্ত্রী-ভাগ্যে ধন।

পুলিন খুব রাগিয়া কহিল, ও ধন আমার ভান্ডর-বউ, ছুঁতে পাপ।

মঞ্জরী খিল খিল করিয়া হাসিয়া কহিল, আর বউটি? কি গো, চূপ ক'রে রইলে যে? উত্তর দিতে পারলে না? আচ্ছা, আমিই ব'লে দিই, সে তোমার গলার মালা, ঠোঁটের হাসি।

পুলিন কহিল, না রসকলি, হ'ল না, সে আমার গলার ফাঁসি। ঠাট্টা নয় রসকলি, একটা কথা তোমায় বলতে এসেছি, আমি কাল থেকে নিজের বাড়িতে যাব। ও বাড়িতে আর থাকব না।

নিজের বাড়ি অর্থে পুলিনের পৈতৃক বাড়ি। বাস্তব চক্রে বাড়িটি একটি মূর্তিমন্ত বিভীষিকা, কিন্তু কল্পনায় বাড়িটি বেশ, অর্থাৎ উঠান-ভরা বনফুল, প্রাচীর ভাঙিয়া সীমা অসীমে মিশিয়াছে, ঘরের ভিতরেও চাঁদের আলো খেলে।

মঞ্জরী কহিল, বেশ, তা ভাল, তারপর খাবে কি ক'রে?

পুলিন চট করিয়াই কহিল, বোষ্টমের ছেলে, ভিক্ষে ক'রে খাব।

মঞ্জরী কহিল, আরও ভাল; কিন্তু ভিক্ষেতে মেলে তো চাল, তা রাখবে কে? বউকে নিয়ে যাও।

পুলিন প্রবল প্রতিবাদে মাথা নাড়িয়া কহিল, না।

মঞ্জরী কহিল, কেন? আর তুমি 'না' বললেও সে যদি না ছাড়ে?

পুলিন কহিল, ছাড়বে না? মারের চোটে ভূত ছাড়ে, তা জান? হ' হ' কথায় আছে, 'পড়লে পরে দুখু ভাতু, না পড়লে ঠেঙার গুঁতু'।

মঞ্জরী কহিল, বেশ। রসকলি আমার বলে ভাল, এ যেন সেই, 'ও পারেতে ধান শেকেছে লখা লখা শীষ, টুকুস ক'রে ম'রে গেল লকার রাবণ'। তা যেন হ'ল, আজ রাজের মত তো বাড়ি যাও।

পুলিন বলিল, না, আর নয়।

মঞ্জরী পরিহাস-ছলেই কহিল, তবে আজ রাতটা পাল-পুকুরের বটগাছেই কাটাতে নাকি?

পুলিন কহিল, না, তোমার দাওয়াতেই পড়ে থাকব।

মঞ্জরী হাসিল, দুই আর দুইয়ে চার হয়—এ কথাটা যে বুঝে না, সে চায়ের গুরুষ না বুঝিলে তাহার উপর রাগ করিয়া লাভ কি?

তবু সে বলিল, লোকে বলবে কি?

পুলিন বাহির-দরজার দিকে কিবিল।

মঞ্জরী কহিল, যাও কোথা?

পুলিন কহিল, দেখি, কোথাও—

মঞ্জরী আসিয়া তাহার হাত ধরিয়া বলিল, যেতে হবে না, এস, শোবে এস—

পুলিন ব্যস্ত হইয়া বলিল, না না, লোকে বলবে কি ?

মঞ্জরী কহিল, যা বলবার তারা তো বলেই নিয়েছে, আবার বলবে কি ? শোন নি, আজই তোমার কাকা বললে, ওই—

পুলিন তাহার মুখ চাপিয়া ধরিয়া কহিল, তোমার পায়ে ধরি বসকলি, ছি, ও কথা তুমি বল না।

মঞ্জরী হাসিয়া মৃদুস্বরে গান ধরিল—

‘লোকে কয় আমি কৃষ্ণ-কলঙ্কিনী,
সখি, সেই গরবে আমি গরবিনী।’

পুলিন তাহার হাতখানা চাপিয়া ধরিল, স্পর্শে তাহার সে কি উত্তাপ ! মঞ্জরী মৃদু আকর্ষণে হাতখানি ছাড়াইয়া শাস্ত মধুর কণ্ঠে কহিল, ছাড়, বিছানা করি।

তকতকে ঘরখানি, লাল মাটি দিয়া নিকানো, আলপনার বিচিত্র ছাঁদে চিত্রিত ; দেওয়ালে খান-কয়েক পট—সেই পুরানো গোরাচাঁদ, জগন্নাথ, যুগল-মিলন ; সবগুলির পায়ে চন্দনের চিহ্ন। মেঝের উপর একখানি তক্তাপোশ, এক দিকে পরিকার বেদীর উপর ঝকঝকে বাসনগুলি লাজানো।

তক্তাপোশের উপর গুটানো বিছানা বিছাইয়া দিয়া একটি ছোট চৌকির উপর বসিত তোলা বিছানার গাদা হইতে দেখিয়া দেখিয়া একখানা ‘সিঙ্গুনী’ আনিয়া পুরাতন বিছানার উপর বিছাইয়া দিল। সিঙ্গুনীট মঞ্জরীর নিজের হাতে অতি যত্নে প্রস্তুত, চাকুশিলের অপরূপ ছাঁদ বিচিত্রিত। বিছানাটি বেশ করিয়া কয়বার ঘুরাইয়া ফিরাইয়া দেখিয়া জাকিল, এস।

পুলিন ঘরে আসিয়া তক্তাপোশে বসিল। দেখিল, মঞ্জরী অভ্যালমত ঈষৎ বাঁকিয়া দাঁড়াইয়া।—সেই হাসি, সেই সব ; শুধু দৃষ্টিটুকু নূতন। সে তখন মৃদু, আবিষ্ট, একাগ্র।

পুলিন কথা কহিল, ভাবটা গদগদ কিন্তু সসুচিত, বসকলি !

মঞ্জরী চমক ভাঙিয়া কহিল, কি গো ?

পুলিন কহিল, তুমি—তুমি—আমার—আমার—আমার—

কথাটা শেষ করিতে পারিল না, প্রতীকারই বাধিয়া যায়, আর পুলিন রাজা হইয়া উঠে।

মঞ্জরী খিল খিল করিয়া হাসিয়া কহিল, তোমার—তোমার—তোমার—কি গো ?

কোঁতুকে ঐীবা বাঁকাইয়া খানিকক্ষণ পুলিনের নত লজ্জিত মুখের উপর উজ্জল দৃষ্টি হানিয়া মহলা মঞ্জরী তাহার মুখ পুলিনের কানের কাছে লইয়া গিয়া বলিল, আমি তো তোমারই গো।

কথাটা বলিয়াই সে চট করিয়া ঘর হইতে বাহির হইয়া গেল, চঞ্চল লঘু গতিতে, ছোট স্বরিতগতি ঝরনাটির মতই। বাহিরে গিয়াই দরজাটা টানিয়া শিকল খাটিয়া দিল। একদাশ দমকা দখিনা বাতাস আসিয়া যেন পুলিনকে তৃপ্ত করিয়া অন্তরকে দীপ্ত করিয়া আচরকাই চলিয়া গেল।

শিকল টানিয়া দিয়া আঁচলে চোখ মুছিতে মুছিতে ঢেঁকিশালার আসিয়া মঞ্জরী আঁচল পাকিয়া শুইয়া পড়িল।

রাজিতে পুলিশ আসে নাই, বেলা এক প্রহর হইয়া গেল, তবুও দেখা নাই। গোপিনী অপেক্ষায় বসিয়া ছিল, সহসা সে সব কাড়িয়া ফেলিয়া উঠিল, ব্রহ্ম সারিয়া রান্না চড়াইল।

খুট করিয়া শব্দ হইল, ওই বুঝি আসিল! প্রবল অভিমানে বাঞ্ছ দৃষ্টিকে রান্নার কড়ায় সে নিবিষ্ট করিল, হাতের খুস্তি প্রয়োজনাতিরিক্ত অতি-বিক্রমে ঘুরিয়া উঠিল, খন—খন—খন।

এই বুঝি ভাকে, সাপিনী হে!

পোষা বিড়ালটা দাওয়ায় লাফাইয়া উঠিয়া ডাকিল, ম্যাও—ম্যাও—ম্যাও।

আর দৃষ্টি মানিল না, ফিরিল; কিন্তু কই? শূন্য অঙ্গন, ভেজানো বহির্দ্বার—মানুষের বার্তা তো দিল না!

হাতের খুস্তিটা সজোরে বিড়ালটার পিঠে হানিয়া গোপিনী গালি পাড়িল, বেরো, বেরো, বেরো, আপদ বেরো।

কতক্ষণ কাটিয়া গেল, গোপিনীর মনে হইল, বুঝি বা একটা যুগ।

সহসা বহির্দ্বার খুলিয়া বলাই আসিয়া দাওয়ায় বসিল। হাতের হুক টানিতে টানিতে কহিল, শুনেছ মিতেনী, কাল রেতে মিতে যে মঞ্জরীর বাড়িতে—

বলাই পুলিশের মিতে, তাই গোপিনীকে ডাকিত—মিতেনী, গোপিনী ডাকিত—মিতে।

গোপিনী কহিল, শুনি নাই, তবে জানি।

বলাই বলিল, আবার নিজের ঘর সাফ হচ্ছে, সেইখানেই থাকবে, এ বাড়িতে থাকবে না।

একটা লজ্জা ঢাকিতে পাঁচটা লজ্জা মাথায় লইতে হয়। গোপিনী কহিল, আমিই যে থাকতে দেব না, সে আমি কাল বলে দিয়েছি, বাড়ি ঢুকলে বাঁটার বাড়ি দেব।

বলাই বিজ্ঞের মত মাথা নাড়িয়া বলিল, ও, তাই বুঝি এত! আবার মঞ্জরীকে পত্র করবে!

বুকে পাথর চাপা দিলেও মানুষ কাতরাইতে পারে, কিন্তু এই কথাটা এমন স্থানে গোপিনীকে আঘাত করিল যে, সে আর কথা কহিতে পারিল না।

বলাই কহিল, কাল রেতে জমিদার গায়ে এসেছেন, তুমি নালিশ কর।

গোপিনী দীপ্ত প্রতিবাদে কহিল, না।

তারপর উত্তরেই নীরব; গোপিনীর হাতের খুস্তি নড়ে না, চোখ কড়ার উপর, কিন্তু দৃষ্টি নয়, পলকও পড়ে না।

বলাই মনে মনে কি যেন মঞ্চ করিতেছিল, শেষে দালালির ভঙ্গিতে রসান দিয়া কহিল, বেশ বলেছ, সেই ভাল, ও 'চুট্ট গরুর চেয়ে শূন্য গোয়ালই ভাল'।

তারপর আবার হুক টান পড়িল—ফড়র ফড়র। একমুখ ধোঁয়া ছাড়িয়া কহিল, আমাদের তো ছিঁড়লে মালা গাঁথতে আছে, তাবনাই বা কি! ভাত থাকলে কি কাকের অভাব হয়, কি বল মিতেনী? আমি রয়েছি, সব ঠিক করে দেব তোমার।

• পরিশেষে সমস্তির আশায় মিতেনীর মুখপানে চাহিল।

মিতেনী কোন কথাই উত্তর না দিয়া ঘরে ঢুকিয়া দরজা বন্ধ করিয়া দিল। রান্না পুড়িতে লাগিল।

পুলিন কোদালি হাতে বাড়ি সাফ করিতেছিল। ‘অনভ্যাসের ফোঁটায় কপাল চড়চড় করে’, পুলিন ঘামিয়া যেন নাহিয়া উঠিয়াছে। হাত টাটাইয়া উঠিয়াছে, শিউঁদাড়া টনটন করিতেছে, তবু কাজ সারা চাই। জ্বালোকের অন্নদাস, ছিঃ—তার বড় লজ্জা আর কি!

মিতে বলাই আসিয়া কহিল, ভালা রে মিতে, তা ভাল।

পুলিন কোদালি নামাইয়া বলিল, কক্ষেতে কিছু আছে? হুকো লয়, অশুচ আমার।

বলাই কলিকাটা খসাইয়া পুলিনকে দিল। ধুতরো-ফুলি ছাঁদে হাত ফাঁদিয়া পুলিন টান মারিল—
—হুশ হুশ হু—শ।

বলাই কহিল, তা এক কাজ করলি না কেন মিতে? জমিদার এসেছেন, তার কাছে পাড়লে একবার হ’ত না, তোর হ’ল সোদর খুড়ো, আর ওর সংবাবা, ওয়ারিশ হ’লি তুই, ও মাপী সম্পত্তির কে? চল তু একবার, দেখবি, এখুনি তোর সম্পত্তি তোর হবে।

অঙ্কুত পুলিন, বিচিত্র তার সংসার-বোধ, সে কহিল, ওর কি হবে?

বলাই বলিল, তোর বউ—তুই খেতে দিবি।

পুলিন কহিল, না না, আমি যে রসকলিকে—

বলাই সোৎসাহে কহিল, রসকলিকে পত্র করবি, ও মরুক গে—যা মন করুক গে।
তোর কি?

সে যে নেহাৎ অমাহুখী হয়, হাজার হউক সে স্ত্রী। মনটা পুলিনের মোচড় দিয়া উঠিল। পূর্বে তাহার সাঙ্ঘনা ছিল, তাহার প্রাপ্য ধনমূল্যে গোপিনীর নিকট মুক্তি পাইবার হুকদার সে।

পুলিন বলিল, না মিতে, তা হয় না।

যেমন দেবা, তেমনই দেবী!—বলাই বিরক্তভাবে উঠিল, রাস্তা ধরিল জমিদারের কাছারির পানে।

পুলিন ভাঙা দাণ্ডাটার উপর ভাবিতে বসিল।

জমিদারের পশ্চিমা চাপরাসী আসিয়া ভাঙা কাঁসরের মত খন খন করিয়া কহিল, আরে পুলিনা, আসো আসো, বাবুর ডলব আসে।

পুলিন চমকাইয়া বলিল, ক্যানে, ক্যানে, কাহেলে দারোয়ানজী?

পশ্চিমা কহিল, সো হামি জানে না।

জমিদারের কাছারিতে পুলিন আসিয়া প্রণাম করিল।

বাবু করসিতে তামাক টানিতেছিলেন, গোমস্তা কলম পিষিতেছে। করজন মাভবর

এখানে বসিয়া ছিল, আর ওধারে এক পাশে আবক্ষ ঘোমটা টানিয়া দাঁড়াইয়া ছিল লক্ষ্মিতা গোপিনী ।

বাবু পুলিনের দিকে চাহিয়া কাছারিকে উদ্দেশ করিয়াই কহিলেন, সে হারামজাদী কই ?

রাখাল পাইক বসিয়া ছিল, কহিল, আজ্ঞে, তিনি চানে গেল, আসছেন ।

বাবু পুলিনকে বলিলেন, পুলিন, তোমার খুড়োর সম্পত্তি খারিজ করতে হবে ।

পুলিন শশব্যস্তে কহিল, আজ্ঞে, সম্পত্তি আমার নয়, ওরই ।

জোড়হস্তে অঙ্গুলি-নির্দেশে গোপিনীকে দেখাইয়া দিল ।

বাবু কহিলেন, ওই হ'ল হে, ওই হ'ল, স্বামী আর স্ত্রী । মুখ থাকতে নাকে ভাত খায় কে হে ? আর তুমি থাকতে সম্পত্তির ও কে ? ও সম্পত্তি পেলে কি ক'রে ? কথা কও গো, চুপ ক'রে থাকলে চলবে না ।

অগত্যা গোপিনী মুছ কণ্ঠে বলিল, আজ্ঞে, তিনি আমায় দিয়ে গিয়েছেন ।

বাবু কহিলেন, তোমাকেই তবে খারিজ করতে হবে, পাঁচশো টাকা লাগবে ।

পুলিন বলিল, আজ্ঞে, ও মেয়েমানুষ—

বাবু ধমক দিয়া কহিলেন, তুই ধাম বেটা । বল গো, তুমি বল । আবার চুপ করলে যে, উত্তর দাও, পাঁচশো টাকা চাই আমার ।

পথভ্রাস্তকে যে পথ দেখাইয়া দেয়, সেই পথেই সে চলে । কিংকর্তব্যবিমূঢ়া গোপিনী পুলিনের কথা ধরিয়াই বলিল, আজ্ঞে, আমি যে মেয়েমানুষ—

বাবু কহিলেন, আরে, সম্পত্তি তো মেয়েমানুষ নয় । আচ্ছা, না পার, সম্পত্তি তুমি পুলিনকে ছেড়ে দাও ।

পুলিন শশব্যস্তে বলিল, আজ্ঞে না ।

গোপিনীও বলিল, আজ্ঞে না ।

বাবু চট্টয়া কহিলেন, আচ্ছা, তবে সম্পত্তি সদরে বাজেদ্বাণ্ড হবে । আর পুলিন তুই বেটা ওই মঞ্জরীকে নিয়ে গাঁয়ে চলাচলি করছিল কেন ? ও সব হবে না, পরিবার নিয়েই থাকতে হবে ।

অভিমান অনব্বা, স্থান কাল জ্ঞান নাই ; পুলিন কিছু না বলিতেই গোপিনী মাথা নাড়িয়া বলিল, না ।

প্রতিবাদে বাবু চট্টয়া দীপ্তকণ্ঠে কহিলেন, চোপরাও হারামজাদী, ওই পুলিনকে নিয়েই তোকে থাকতে হবে ।

গোপিনী আতকাইয়া কাঁদিয়া উঠিল ।

ঠিক তখনই মঞ্জরী আসিয়া ভূমিষ্ঠ হইয়া শ্রোগাম করিয়া কহিল, বাবু, আমায় উলব করেছেন ?

বাবু মুখ কিরাইয়া আর কথা কহিতে পারিলেন না । লম্বুখে বসোচ্ছল মেয়েটি—খুড়ার খণ্ড

চুল ঝাড়া, নাকে রসকলি আঁকা, মুখে মিষ্টি হাসি, গালে দুইটি ঈষৎ টোল। মঞ্জরীকে দেখিয়া ক্ষণেক তাঁহার কথা স্মরিল না।

মঞ্জরী পুনরায় বলিল, হজুর !

চমক ভাঙিয়া বাবু কহিলেন, হ্যাঁ, এস। শুনছ গো, ওসব চলবে না, পুলিনের সঙ্গেই ঘর করতে হবে।

শেখটা কহিলেন গোপিনীকে। কথার নির্দেশে মঞ্জরীর দৃষ্টি পড়িল ভয়ভ্রম্ভা গোপিনীর উপর, সে স্বরিত পদে নিকটে গিয়া গোপিনীকে কাছে টানিয়া লইল।

আশ্বাস লোকে কথাতোও পায়, দৃষ্টিতেও পায়; স্পর্শেও পায়; গোপিনী মঞ্জরীকে জড়াইয়া ধরিয়া কহিল, রসকলি!

উজ্জল হাসিতে মঞ্জরীর মুখখানি দীপ্ত হইয়া উঠিল, বলিল, ভয় কি রসকলি?

বাবু পুনরায় কহিলেন, বুঝলে, এই আমার হুকুম। উত্তর দাও, রাজী কি না? শুনছিল পুলিন?

পুলিন, গোপিনী উভয়েই নীরব। উত্তর দিল মঞ্জরী, তেমনিই হাসিয়া, হজুর, স্বামী-স্ত্রীর ঝগড়া কি ধমকে মেটে?

বাবু কহিলেন, আলবাৎ মিটবে, না? মিটলে চলবে না।

মঞ্জরী বলিল, নাই যদি মেটে হজুর, তাই বা কি? আমরা জাতে বোষ্টম, ছিঁড়লে মালা আমরা নতুন গাঁধি।

বাবু কহিলেন, বেশ, তবে ও বলাকে পত্র করুক।

ওপাশে বসিয়া বলা মুচকি হাসিল।

গোপিনী প্রবল প্রতিবাদে বলিল, না না।

বাবু কহিলেন, তবে কি মতলব শুনি? কিন্তু আমার রাজ্যে ওসব বদমায়েসি চলবে না।

পুলিন কি একটা প্রতিবাদ করিল, কিন্তু এত ক্ষীণ যে কাহারও খেয়ালে আসিল না। সে নড়িয়া চড়িয়া বসিল, যেন স্বৈর্ঘ্য আর থাকে না। গর্ভের সাপ ধরা পড়িবার পূর্বে যেমনতর বাহির হইতেও পারে না, অথচ ক্রোধে গর্ভের ভিতরে কুণ্ডলী পাকাইয়া যেমন ঘোরে, তেমনিই তাবেই তাহার সনটা পাক খাইতেছিল।

মঞ্জরী কিন্তু বেশ সবিনয়ে সবল প্রতিবাদ করিল, জিভ কাটিয়া সে বলিল, ছি ছি, বাবু, আপনাকে ওসব কথা বলতে নাই।

বাবু অপ্রস্তুত হইয়া মঞ্জরীকে ধমক দিয়া কহিলেন, আচ্ছা আচ্ছা। তোমারও এখানে ঝগড়া চলছে না, পাঁচজনে তোমার নামে পাঁচ কথা বলছে, তোমার গ্রাম ছেড়ে যেতে হবে।

মঞ্জরী সবিনয়ে বলিল, আজ্ঞে, কোথায় যাব? মেয়েমাছর আমি—

বাবু তাহার মুখপানে চাহিয়া কহিলেন, আচ্ছা, আমার সঙ্গে চল তুমি, আমার বাড়িতে থাকবে।

মঞ্জরী বলিল, আজ্ঞে, কি-গিদ্ধি আমি করতে পারব না।

বাবু কহিলেন, আচ্ছা, কাজ তোমায় করতে হবে না।

মঞ্জরী হাসিয়া বলিল, বাপ রে! রাণীমা তা হ'লে ভাত দেবেন কেন?

বাবু এবার বেশ রস দিয়া কহিলেন, সে ভাবনা তোমায় ভাবতে হবে না। আমাদের বাগানে তোমায় কুঞ্জ ক'রে দেব, এখানে যেমন আছ তেমনই থাকবে।—বলিয়া বাবু হাসিলেন, হাসিটি গৌজলা রসের মত, কেমন যেন বিশ্রী, কুৎসিত গন্ধের আভাস দেয়।

মঞ্জরী কহিল, আমার পোড়ার মুখকে কি আর বলব!—সত্যি সত্যিই এ মুখে আগুন দিতে হয়। আপনি রাজা, আপনিও শেষে—! না হজুর, আমি এ গাঁ ছেড়ে কোথাও যাব না, সে যে যা বলবে বলুক।

বাবু মেয়েটার স্পর্ধা দেখিয়া স্তম্ভিত হইয়া গিয়াছিলেন, সহসা তিনি উন্নতের মত চাঁৎকার করিয়া কহিলেন, কেয়া হারামজাদী? ভূত সিং, লাগাও জুতি হারামজাদীকো।

বন্ধ লোঁহদ্বার মন্তহস্তীও ঠেলিয়া খুলিতে পারে না, আবার অর্গল খুলিলে আঘাতের অপেক্ষাও সয় না, খুলিয়া যায়। মনের দরজার ঠিক অর্গলটিতে হাত পড়িতেই সে খুলিয়া গেল, ভিতরের মাহুয়াট বাহিরে আসিল, সে একটা ভীষণ দাপে হাঁকিয়া উঠিল, খবরদার!

রাখাল পাইকের শিখিল মুষ্টির লাঠিগাছটা কাড়িয়া লইয়া মাটিতে ঠুকিয়া পুলিন বুক ফুলাইয়া দাড়াইল।

ব্যাপারটা গড়াইত কতদূর কে জানে, কিন্তু লোকে ব্যাপারটা গোটা বুদ্ধিতে না বুদ্ধিতে মঞ্জরী স্বরিত পদে পুলিন ও গোপিনীর হাত ধরিয়া টানিয়া লইয়া বাহির হইয়া গেল।

স্তম্ভিত ভাবটা কাটিতেই বাবু কহিলেন, ভূত সিং!

বলা মুহূর্তে কহিল, হজুর, ওই মঞ্জরীর সঙ্গে গোকুলবাটীর থানার দারোগার পরিবারের সঙ্গে খুব স্বখ, একটু বুঝে—

বলার কথাটা ঢাকিয়া দিয়া লাঠি হস্তে ভূত সিং ঘ্যানঘ্যান করিয়া বলিল, হজুর, হুকুম!

বাবু কহিলেন, কুছ নেহি, যাও।

মঞ্জরী দুই জনের হাত ধরিয়া আসিয়া উঠিল একেবারে রামদাসের বাড়িতে। সারাটা পথ সে যেন কি ভাবনায় ভোর হইয়া ছিল,—ভাবনা বলিলে ঠিক হয় না, সে যেন একটা আবেশ, একটা নেশা।

বাড়িতে প্রবেশ করিয়াই মঞ্জরী দরজাটা বন্ধ করিয়া দিয়া, একগাছা মোটা লাঠি আনিয়া পুলিনের হাতে দিয়া খিলখিল করিয়া হাসিয়া বলিল, বাইরে ব'ল পাহারাওলা।

পুলিন লাঠি হাতে বাহিরে বলিল, আর ঘরের মেঝেতে বসিয়া নীরবে চোখের জল কেলিতেছিল দুইটি নারী। গোপিনী নত দৃষ্টিতে, আর মঞ্জরী তাহার মুখের পানে চাহিয়া যেন নেশার ভোর হইয়া বসিয়া ছিল।

সহসা হাসিয়া সে কহিল, বসকলি!

গোপিনী মুখ তুলিয়া হাসিল, বড় বিপদের হাসি, যেন মলিন ফুলাট।

মঞ্জরী বলিল, এক কাছারি লোকের সামনে রসকলি পাতিয়েছ, 'না' বললে তো চলবে না। গোপিনী কহিল, হ্যাঁ।

মঞ্জরী বলিল, তা ভাই, অহুঁঠানটা হয়ে যাক, তুমি আমার নাকে রসকলি এঁকে দাও, আমি তোমার দিই,—যা নিয়ম তা তো করতে হবে।—বলিয়াই খুঁজিয়া পাতিয়া সব সরঞ্জাম বাহির করিয়া তিলকমাটি ঘষিতে বলিল।

তারপর গোপিনীর কোল ঘেঁষিয়া বসিয়া কহিল, তুমি ভাই, আগে বলেছ, আগে তোমার পালা। দাও, আমার নাকে রসকলি এঁকে দাও।—বলিয়া নিজের আঁকা রসকলিটি মুছিয়া ফেলিল।

হতভম্ব গোপিনী কম্পিত কণ্ঠে মঞ্জরীর নাকে রসকলি আঁকিয়া দিল।

মঞ্জরী বলিল, দাঁড়াও, সাক্ষী ডাকি।—বলিয়া বাহিরে পুলিনকে ডাকিল, সেই মধুভরা কণ্ঠ, রসকলি, এস বলি।

পুলিনকে লইয়া গোপিনীর হাতে হাতে নিজের হস্তবন্ধনে বাঁধিয়া দিয়া কহিল, এই নাও রসকলি, আমার রসকলি তোমায় দিলাম।

পুলিনের কথা সরিল না।

তারপর পুলিনকে বলিল, আমি দ্বিচ্ছি, 'না' বল না।

গোপিনী ও পুলিন বিস্মিত নির্বাক।

সহসা গোপিনী মঞ্জরীর হাত ধরিয়া টানিয়া বলিল, না না, তুমি স্বক্ৰ এস, আমরা দু'বোনে—

রসোচ্ছলা রসোচ্ছলার মতই কহিল, দু'ব, আমি যে রসকলি!

বৈকালের মুখে মঞ্জরী কহিল, দাঁড়াও, আমি একবার গায়ের হালচাল দেখে আসি।

পুলিন বাধা দিয়া কহিল, সে কি, একলা?

মঞ্জরী হাসিয়া চলিয়া গেল, বলিল, ভয় কি! আমার রসকলি যে সঙ্গে।—বলিয়া নাকের রসকলি দেখাইয়া দিল। তারপর আবার কহিল, ভয় নাই, আমি বাইরে বাইরে খবর নেব, তেমন তেমন বুঝলে আমি গোকুলবাটী ধানায় যাব। আজ রাত্রে না কিম্বতেও পারি, বুঝলে? খবরদার, তোমরা বেরিও না, দিবা রইল, মাথা খাও।

সে কণ্ঠস্বরে পরিহাসের বিন্দুও ছিল না, পুলিন সে কথা অবহেলা করিতে পারিল না।

মঞ্জরী চলিয়া গেল, রাত্রে ফিরিল না।

পরদিন প্রাতে বলাই আসিয়া ডাকিল, মিতে!

মঞ্জরীর সংবাদের আশায় নিজের বিপদের আশঙ্কা তুচ্ছ করিয়া দরজা খুলিয়া কহিল, এস।

বলাই বলিল, বেশ বেশ, তা মঞ্জরীকে দিয়ে টাকাটা পাঠালি কেন? নিজে গেলেই তো হ'ত। তা ও বেশ ভালই হ'ল। বাবুও বললেন, বলাই, পুলিন যখন পঞ্চাশ টাকা অগ্নিমানাই

ମିଳେ, ତୁମ୍ଭେ ଆଉ ତାର ଉପର ଦାଗ ନାହିଁ ଆମାର । ତା ପୁଲିନ ବୋଧ ହୁଏ ଭରେ ଆଲୋ ନାହିଁ, ତୁହି ମଞ୍ଜରୀକେ ଦିଅ ପାଟିରେ । ମଞ୍ଜରୀକେ ମାପ ହୁଏ ଗିରେ । ତା ଏକବାର ଆଜ ବାସ, ବାବୁକେ ପେନାମ କରେ ଆସି । ତୁ ନାହିଁ, ଆମିଓ ସବ ବଂଳେ କ'ଣ ଦିଅଇ ।

ପୁଲିନେର କଥା ମରାଜ ନା ।

ଜମିଜ ନା ଦେଖିବା ବାର କରେକ ହଞ୍କା ଡାନିଆ ବଳାହି ଚଳିଆ ଗେଲ । ପୁଲିନ ଶୁଦ୍ଧିତେର ମତ ଦାଢ଼ାହିଆ ରହିଲ । କେ ଜାନେ—କତକ୍ଷଣ ! ଏକଟି ପୁଂଟାଲି କାନ୍ଧେ ମଞ୍ଜରୀ ଆସିଆ ହାସିମ୍ଧେ ଅନ୍ଧ୍ୟାସ-ମତ ହେଲିଆ ମନ୍ଧୁକ୍ଷେ ଦାଢ଼ାହିଆ ଜାକିଲ, ବସକାଲି !

ପୁଲିନ କଥା କହିଲ ନା ।

ହାସିଆ ମଞ୍ଜରୀ କହିଲ, ବସକାଲି, ଦାଗ କରେଇ ?

ପୁଲିନ ଅଭିମାନଭରେ ବାଲିଲ, ତୁମି ଜମିଦାରକେ—

ମଞ୍ଜରୀ କହିଲ, ଜଳେ ବାସ କ'ରେ କୁମ୍ଭିରେର ମଜ୍ଜେ ବାଦ କରା କି ଚଳେ ଗୋ ? ତାହି ମିଟିରେ ଫେଲଲାମ ।

ପୁଲିନ କହିଲ, ଡାକା—

ମଞ୍ଜରୀ କଥା କାଢ଼ିଆ ବାଲିଲ, ସେ ତୋ ତୋମାରହି ଗୋ, ଆମି କି ତୋମାର ପର ?

ତାବପର ପୁଲିନେର ହାତ ଘୁଇଟି ଧରିଆ କହିଲ, ତବେ ଆମି ।

ଊଷ୍ମାକ୍ଷେର ମତ ପୁଲିନ ବାଲିଲ, କୋଥାୟ ?

ମଞ୍ଜରୀ କହିଲ, ବୁଲ୍ଦାବନ ।

ପୁଲିନ ଅଭିମାନ କରିଆ ବାଲିଲ, ବସକାଲି !

ମଞ୍ଜରୀ କହିଲ, ଆମି ତୋ ତୋମାରହି ଗୋ ।

ଗୋପିନୀ ହାରେର ଶିଲ୍ଲେ ଥିଲ, ମନ୍ଧୁକ୍ଷେ ଆସିଆ ଯେନ ଦାବି କାରିଲ, ନା, ସେତେ ପାବେ ନା ।

ମଞ୍ଜରୀ ବାଲିଲ, ତୌର୍ଥେର ମାଜ ଥୁଲେ କୁକୁର ହବ ?

ଗୋପିନୀ କହିଲ, ବଲ ତବେ, ଫିରେ ଆସବେ ?

ମଞ୍ଜରୀ ବାଲିଲ, ଆସବ ।

ଗୋପିନୀ କହିଲ, ଆସବେ ? ଦେଖେ ।

ଊଷ୍ମର ନା ମିଆ ମଞ୍ଜରୀ ହାସିଆ ପୁଂଟାଲିଟି ତୁଲିଆ ମହିଆ ବାନ୍ଧାୟ ନାମିଆ ମଞ୍ଜିଲ । ବିଚିତ୍ର ସେ ହାସି, ବହୁକ୍ଷେର ମାଆ-ସାଧୁରୀତେ ଭରା, କେ ଜାନେ ତାର ଅର୍ଥ !

ଚଳିତେ ଚଳିତେ ଗାନ ଧରିଲ—

“ଲୋକେ କର ଆମି କୁଞ୍ଜ-କଳାକିନୀ ;

ମଧି, ସେହି ଗରବେ ଆମି ଗରବିନୀ ଗୋ,

ଆମି ଗରବିନୀ ।”

ନାକେ ତାହାର ବସକାଲି, ମୁଖେ ତାହାର ହାସି, ଚଳନେ ସେ କି ହିଞ୍ଜୋଲ, ବସକାଲି କେନ ମଧାକ୍ଷ ହାପାହିଆ ବସିତେଇଲ ।